



TE KURA KAUPAPA MĀORI O NGĀ MOKOPUNA

# HE PUNA KŌRERO

“Ko te Aho Matua te tāhuhu o tōku whare. Ko te reo, me ōna tikanga, ngā heke, whakamau. Ko te whānau, te whanaungatanga ngā pou.”

## Te Wharekura o Ngā Mokopuna



Ka tito au ka tito au  
Ka tito au ki a Kupe te tangata  
nāna  
i hoehoea te moana  
i topetopea te whenua  
Tū kē Kapiti  
Tū kē a Mana  
Tū kē Arapaoa  
ko ngā tohu ēnā a taku tūpuna  
a Kupe  
nāna i whakatōmene Titapua  
i tōreke i ahau te whenua e

Ko te taiwhanga o Te Rauparaha tērā i haruru i ngā taiohi wharekura huri noa i a Te Whanganui-a-Tara ki Ōtaki mō te kaupapa Rā Haka.

Tēnei te reo mihi e rere atu ana ki ngā uri o Whitireia maunga i whakaako atu i ngā mahi kapa haka e toru: Ko Te Reo Manawataki o Ngāti Toa, Ko Nau Piki mai ki Porirua, Ko ka tito au.

E rongo katoa ana tō tātou Wharekura o Ngā Mokopuna i te waimarie i tēnei haerenga. I kite i te nui o ngā tauira Māori e noho pōhara ana i te māia ki te kōrero heoi anō mō te tira tauira i whakaako mai, i taumata kē atu. Ko ngā tauira o Matua Ihaia, a Te Kāhui Kuratea, i horokūkū kore ki te whakaako i a mātou ngā pia, ahakoa te 400 o mātou.

Kei te kāhui whakarite o tō tātou kura, tae atu ki ngā Hāpai O o te kaupapa, Tēnā rā tātou





## TOITŪ TE TIRITI



Toitu ngā Kōhanga Reo  
Toitu ngā Kura Kaupapa Māori  
Toitu ngā Whare Wānanga

“Me ātete tonu tātou. He whawhai mutunga kore kei mua ia tātou.”

## Te Matatini o Te Kāhui Maunga



He Kahui Maunga  
He Kāhui Tupua  
He Kāhui Wairua

Hei te wiki kei te heke mai e tū ana te whakataetae kapa haka o te motu ki Ngamotu. Neke atu i te 11,000 tikiti kua hoko atu ki te ao ki te mātakitaki i ngā toa o ngā rohe ki te mura o te ahi. Ki ō tātou whānau e hakahaka ana hei tērā wiki kia kaha rā! Mātakitaki mai i a whaea Te Ngawari me tōna whānau hei te Taite, 8:30am, 27 o Pepuere.





# Hākinakina

## Pā Whutupōro-Ikaroa U14

**IKAROA KI TE RAKI U14 TAMA**

**ŌWAKA BLACK**

AKA: Ōwākz  
Tūranga Tākaro: Waenga  
Karapu: Wairere  
Tino tūtākaro: Tāwhana

Pūmanawa:  
He kairauhangā, he ngākau  
whakataetae

Āhuetanga Ngōi:  
Ngākaunui ki te mahi kapa, me te  
hākinakina

Ngā wawata:  
Ka tākaro mā te Kapa Ōpango Māori  
Tōku tino hongī:  
Ngā hau tapu o te kāenga  
Tōku tino kaitākaro pā whutupōro:  
Pāpā Whitiāua  
Tōku tino huahangata:  
Tōku whānau katoa

Te Pae Putarawhiti  
NGĀI TŪHOE, NGĀTI POROU,  
TE WHAKATŌHEA, TE WHĀNAU-Ā-APĀNU  
NGĀTI KAHUNGUNU KI WAIRARAPA

**Whakaahua matua:**  
IKAROA U14B Player  
Profiles - Ōwaka Black

**Ngā whakaahua e toru  
mai i runga ki raro:**  
Ikaroa ki te Raki, Ōwaka  
Black, Whakangāhau

### Whakataetae ā-motu: Tamariki Pā Whutupōro

I tū te whakataetae pā whutupōro ki Kirikiriroa i ngā rā 15-16 o Pēpuere 2025. He kaupapa hirahira nā te mea ko tēnei te whakataetae tuatahi mā ngā tamariki Māori anake. Ka tū a Ōwaka mō te rohe o Ikaroa ki te Raki (Te Takiwā o Manawatū) i te tima ko ngā tau raro iho i te tekau mā whā.

Ko te painga o te nohotahi ki tēnei tīma, kua tūtaki i ētahi atu tamariki Māori nō TKKM o Manawatū, ā, ka ako i ngā pūkenga hou. Ko te manako ka whai wāhi ai ia te tuari ēnei akoranga ki ānā hoa kura o Ngā Mokopuna. Ka ohore katoa a Ōwaka i tōna eke ki te tūranga kāpene mō tōnā tīma, nā ngā hoa me ngā kaihautū i kōwhiri. Hēoi, nā tōna whakatīnana o te Aho Matua me tōna manawanui ki te kaupapa ka pēnā ai.

Ka toa a Ikaroa ki te Raki te tohu 'Kaupapa Tāonga', hei whakanui i ngā whanonga ki tua atu i te papatūwaewae. Kua tohua tēnei taonga ki tētahi tīma i kaha hangai ki ngā uara, i kaha hāpai hoki ki ngā tikanga o te kaupapa. Ngā Mokopuna, tū ana ki te ao.

### Pā Whutupōro - Tau 3/4





# Hākinakina

Poiuka - u15 - Ngā toa whakaihu waka ki te  
tōnamana Colin Ward



Poiuka - u9 - Te tōnamana Colin Ward





# Te Hinonga Rimurimu

He kaupapa tēnei e tautoko ana i te kaupapa hinonga rimurimu o ngā akomanga tuākana i te kura. He nui ngā hua kua puta mai i ngā tau kua hori. Mehemea kei te wātea koutou ko tō whānau puta atu ki te ruku, ki te rongo anō hoki i ngā mātauranga o tō tātou taiao.

**Coming up next week!**

**Fun for the whole family**

**SEAWEED FEST 2025**  
TE WHANGANUI A TARA - 1-9 MARCH

**FREE SNORKEL**  
ALL GEAR PROVIDED  
EXPERT GUIDES  
AGE 8 AND ABOVE

**COMMUNITY SEAWEED SNORKEL**  
ISLAND BAY | SAT 1 MARCH | 10AM-2PM

Greater Wellington  
Te Pane Mātua Taiao

MOUNTAINS TO SEA

**SAND CASTLE COMPETITION**  
MEET THE SEAWEEDES  
ART MAKING  
RIMURIMU  
INSPIRED KAI  
AND MORE...

**HAERE RĀ! WHĀNAU FESTIVAL FAREWELL**  
Worser Bay | Sun 9 March | 12-3PM

Love Rimurimu

MOUNTAINS TO SEA

octacle®

WORSER BAY BOATING CLUB

Over 30 events  
happening  
across the week!

Scan to view  
the full  
programme





# Hōtaka – Wahanga 1

|                                                                        | Rāhina                  | Rātū                  | Rāapa                                  | Rāpare                  | Rāmere                                 | Ngā rā whakatā |
|------------------------------------------------------------------------|-------------------------|-----------------------|----------------------------------------|-------------------------|----------------------------------------|----------------|
| Wiki 1<br>03/02-09/02                                                  |                         |                       |                                        | <b>Te Rā o Waitangi</b> |                                        |                |
| Wiki 2<br>10/02-16/02                                                  |                         | Kauhoe<br>1.00-3.00pm |                                        |                         |                                        |                |
| Wiki 3<br>17/02-23/02                                                  |                         | Kauhoe<br>1.00-3.00pm |                                        |                         |                                        |                |
| Wiki 4<br>24/02-02/03                                                  |                         | Kauhoe<br>1.00-3.00pm |                                        |                         |                                        |                |
| <b>TE MATATINI O TE KĀHUI MAUNGA - HE KĀHUI TUPUA, HE KĀHUI WAIRUA</b> |                         |                       |                                        |                         |                                        |                |
| Wiki 5<br>03/03-09/03                                                  |                         | Kauhoe<br>1.00-3.00pm |                                        |                         |                                        |                |
| Wiki 6<br>10/03-16/03                                                  |                         | Kauhoe<br>1.00-3.00pm | <b>Haerenga ki Paekākā<br/>Tau 0-4</b> |                         | <b>Haerenga ki Paekākā<br/>Tau 5-8</b> |                |
| Wiki 7<br>17/02-23/03                                                  |                         | Kauhoe<br>1.00-3.00pm |                                        |                         |                                        |                |
| Wiki 8<br>24/03-30/03                                                  |                         | Kauhoe<br>1.00-3.00pm | <b>Hui-ā-tau ki Turanginui-a-Kiwa</b>  |                         |                                        |                |
| Wiki 9<br>31/03-06/04                                                  | Manu<br>kōrero<br>(TRM) | Kauhoe<br>1.00-3.00pm |                                        |                         |                                        |                |
| Wiki 10<br>07/02-13/04                                                 |                         |                       | Manu<br>Kōrero<br>(TRP)                | <b>Rā Kaumātua</b>      | Hui<br>Rangatahi<br>TWOR<br>(whk)      |                |





# Kākahu Kura

Ki te tono mai mo ngā kākāhū hākinakina, kura rānei tuku imera ki te Tari Kura me ngā momo e hiahia ana. [tari@tkkmmokopuna.school.nz](mailto:tari@tkkmmokopuna.school.nz)

| KĀKAHU HĀKINAKINA                                                                                                                                                                                                                                                                                                                                                                 | KĀKAHU KURA TUATAHI                                                                                                                                                                                                                                                                                                                                                                                                                                             | KĀKĀHŪ KURA WHAREKURA                                                                                                                                                                                                                                                                                                                                                                                                                                                                                                                                                                                                                                 |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p><b><u>Tihāte hākinakina</u></b><br/>Size 2-16<br/>\$20 + \$8.50 (ingoa - tuatahi, ingoa whānau, karekau rānei)</p> <p><b><u>Hoodies Tamariki:</u></b><br/>\$35 + \$8:50 (ingoa tuatahi, ingoa whānau rānei)</p> <p><b><u>Hoodies Pakeke:</u></b><br/>\$45 + \$8:50 (ingoa tuatahi, ingoa whānau, karekau rānei)</p> <p><b><u>Tarau poto (sublimated)</u></b><br/>\$45 each</p> | <p><b><u>Hāte kura</u></b><br/>Size 4-16<br/>Utu: \$27.60-\$34.50</p> <p><b><u>Poraka Kura</u></b><br/>Size 4-16<br/>Utu: \$54.62</p> <p><b><u>Tarau poto</u></b><br/>Size 4-S<br/>Utu: \$34.50</p> <p><b><u>Tarau roa</u></b><br/>Size 4-16<br/>Utu: \$37.95</p> <p><b><u>Kōti kura</u></b><br/>Size 2-16<br/>Utu: \$86</p> <p><b><u>Ringa poto (Vest)</u></b><br/>Size 4-16<br/>Utu: \$46</p> <p><b><u>Pōtae Kura</u></b><br/>Size 55cm-59cm<br/>Utu: \$5</p> | <p><b><u>Tihāte kura (polo)</u></b><br/>Size 12-XXL<br/>Utu: \$30</p> <p><b><u>Poraka Kura (hoodie)</u></b><br/>Size 12-XXL<br/>Utu: \$60</p> <p><b><u>Hāte Mā (white shirts)</u></b><br/>Rahi: 10 +<br/>Utu: \$24.72- \$25.87</p> <p><b><u>Poraka Ōkawa (long sleeve jersey)</u></b><br/>Size 77-102cm +<br/>Utu: \$56.22- \$54.04</p> <p><b><u>Poraka Ōkawa (short sleeve vest)</u></b><br/>Size 87-107cm +<br/>Utu: \$46-\$51.70</p> <p><b><u>Here kakī (tie)</u></b><br/>Size 2-16<br/>Utu: \$30.67</p> <p><b><u>Pōtae kura</u></b><br/>Size 55cm-59cm<br/>Utu: \$5</p> <p><b><u>Tarau poto pango</u></b><br/>Kei Warehouse, school tex ētahi</p> |



**Kura katoa - koinei ngā hū e tika ana ki te kura mai i ngā kōhungahunga ki ngā wharekura.**

Kei te kite mātou kei te mau mai ngā hū rerekē rawa ki te kura. He maumaharatanga noa tēnei i ngā āhuatanga e tika ana mo ngā hū kura. Ko te mea nui he pango ngā hū ahakoa hū pāraerae, hū hākinakina, hū ōkawa rānei. Mehemea he kākāhū ōkawa, ko ngā hū ōkawa. Mehemea he kākāhū ōpaki e whakaae ana ko ngā hū hākinakina pango kia pai ai te takaro a ngā tamariki. Mehemea e hiahia ana ka whakaae hoki ki ngā hū paraerae (black back strapped school sandals)

